



COMUNU DE CERÀXIUS
(Tzitadi Metropolitana de Casteddu)

OGETU: IMPITICADURA DE SA CIRCULATZIONI DE ARRUGA IN IS BIAS SAN MARTINO, ROMA, ISTRIA, SAN LUSSORIO E ARRODIADA DE BIA PRIMO MAGGIO PO TRABALLUS DE ACONCIADURA DE SA SEDI STRADALI

ORDINÀNTZIA DE SU DIRETORI DE ÀREA
N. 139 DE SU 25/11/2020

SU DIRETORI DE S'ÀREA 07

Biu su decretu sindacali de su 18/03/2020 prot. n. 11372, cun su cali benint donadas a su Ten. Col. Dot. Marco Cantori, Cumandanti de sa Politzia Locali, is tareas dirigentzialis de Diretori de Àrea 07 Politzia Locali e Atividades Produssidoras;

Bia sa noda de sa dii 24 de donniasanti 2020 firmada de su Ing. Corona Diego, nàsciu in Jertzu su 19/02/74 e bividori in Casteddu bia Pietro Leo 6, aministradori ùnicu de sa Dita EUROCONGLOMERATI s.r.l., cun sedi in Casteddu bia Sonnino 99, incarrigada de sa Aministratzioni Comunali de Ceràxius po fai is traballus de aconciadura su pranu viàbili de is arrugas Roma, San Martino, cumenti puru sa aconciadura de unus tretus de sa bia Istria, bia San Lussorio e arrodiada de bia 1° Maggio CUP=F77H2000403004 - CIG=8491547642, chi pedit sa spratzinadura de unu provedimentu de impiticadura de sa circolatzioni stradali in is arrugas imbordigadas me is traballus;

Cunsiderau de depiri pigai provedimentis arrechèdius po custu acontèssiu;

Biu s'art. 107 de su Decretu Legisladori 18 de Austu 2000, chi narat "Testu ùnicu apitzus de s'ordinamentu de is Entis Localis";

Bius is artt. 7 e 21 de su D. Lgs. 30/04/1992 n° 285 chi narat su "Còdixi Nou de s'Arruga" e su D.P.R. 16/12/1992 nu 495 chi narat "Regulamentu de faidura e de cumpridura de su Còdixi de s'Arruga nou"

CUMANDAT

Po is arresonis numenadas innoi asuba, de sa dii 30 de Donniasanti finsas a sa dii de su 18 de Mes'e Idas 2020 intrea, de is seti oras de mengianu finsas a is otu oras de noti, custas strinturas a sa circolatzioni de arruga:

INTERBÈNNIDA IN SA BIA SAN MARTINO

1. s'istitutzioni de su proibimentu de abarrada cun pinnigadura in ambus duus is ladus, de su sentidu ùnicu de caminu in sa bia San Martinno cumintzendi de s'ingruxeri cun sa bia Roma bia a s'ingruxeri cun sa bia Venezia e de is proibimentus de intrada imbordiga;
2. s'istitutzioni de su caminu obligatòriu “a sa parti dereta” de ponni in is bias Crimea, Matteotti e Bellini in is ingruxeris insoru cun sa bia San Martino;
3. s'istitutzioni de su caminu obligatòriu “a sa parti manca” de ponni in is bias Salvemini e Genova in is ingruxeris cun sa bia San Martino;

INTERBÈNNIDA IN SA BIA ROMA

1. s'istitutzioni de su proibimentu de passai e de si frimai cun pinnigadura in sa bia Roma in su tretu intre sa bia San Salvatore finsas a s'ingruxeri cun sa bia Sant'Antonio;
2. s'istitutzioni de su proibimentu de abarrada cun pinnigadura e de su sentidu ùnicu de caminu in sa bia Roma de s'ingruxeri cun sa bia Sant'Antonio bia a su logu ainnantis de su distribudori de carburanti de sa TAMOIL e de is proibimentus de intrai alliongias;
3. s'istitutzioni de su caminu obligatòriu “a sa parti dereta” in sa bia San Paolo in s'ingruxeri cun sa bia Roma;
4. s'istitutzioni de su caminu obligatòriu “a sa parti manca” in is bias Sardegna e Campi Elisi in s'ingruxeri cun sa bia Roma;
5. s'istitutzioni de su cumandu de furriai a sa parti manca in sa bia Roma de ponni a presu de s'àrea a faci de su distribudori de carburantis TAMOIL e bàlidu po su tràvigu intrendi de sa SS 554;
6. s'istitutzioni de su sentidu ùnicu de caminu in sa bia Roma de su logu a faci de su distribudori de carburantis TAMOIL bia a s'ingruxeri cun sa SS 554 e de su proibimentu alliongiau de intrada de ponni in sa bia Roma in s'ingruxeri cun sa SS.554.

INTERBÈNNIDAS IN IS BIAS ISTRIA, SAN LUSSORIO E ARRODIADA 1°MAGGIO

1. s'istitutzioni de is proibimentus de abarrada cun pinnigadura e sa ponidura de sa sinnaletica amostadora de sa strintura de sa carraditza sceti in is logus imbordiga de is traballus de aconciadura de s'arruga.

Sa dita chi at a fai is traballus no at a podi fai impari is traballus chi pertocant a is bias San Martino e Roma.

S'Ing. Corona Diego, numenau mellus ainnantis, est incarrigau de cuncordai totu sa sinnaletica sighendi is maneras operativas previdias de su Regulamentu de cumpridura de su Còdixi de s'Arruga, in manera particolari:

- at a depi ponni sa sinnalètica chi amostat is proibimentus de abarrada cun unu antètzipu de a su manu 48 oras de candu at a èssiri bàlida;
- no at a podi lassai chena nisciunu amparu calisiat acontèssiu de perìgulu po sa sarvesa pùblica;

Sa Polizia Locali, de acòrdiu cun sa dita cumpridora, at a podi autorizai eventualis obèrridas setoriali po permiti su passàgiu de is fluoris de tràvigu aundi no ddoi funt is traballus.

Su Responsàbili de su Procedimentu at a depi fai sa cumpridura de is cumandus sighidoris, intre is calis s'imbiu de custa ordinàntzia a sa dita faidora, a su Ing. Antonello Monni, a su CTM - Casteddu, a sa Protetzioni Civili, a su Cumandu Pompieris de Casteddu, a su 118, a s'Ufitziu Comunali Notificatzionis, de manera chi bèngiat publicau in s'Albu de su Comune, a is Diretori de is Àreas Comunalis imbordigadas, a su Cumandu de Polizia Locali e a su Cumandu Statzioni Carabinieri de Ceràxiu.

Is Ufitzialis e a is Agentis de Polizia Stradali, de s'art. 12 de su Decretu Legisladori 30 de Abrili 1992, n. 285, chi tenit su C.d.S. Nou e totus is sugetus istituzionalmenti imbordigauss, ant a depi fai su càstiu e su scrucullu a pitzu de sa posta in menti de custa ordinàntzia.

INFORMAT

a is interessaus chi:

- su Responsàbili de su Procedimentu est su Maggiore Antonio Milia;
- cunforma a s'articulu 3, comma 4 de sa Lei 7/08/1990, n° 241, cuntra de custa ordinàntzia funt amìtius recursu a su Tribunali Aministrativu de Sardìnnia aintru de 60 diis cumintzendi de sa dii de sa notificatzioni o de sa connoscèntzia prena de su provedimentu, o puru recursu straordinàriu a su Cabu de su Stadu, aintru de 120 diis cumintzendi de sa dii de sa notificatzioni o de sa connoscèntzia prena de su provedimentu.

Su Diretori Àrea 07

Ten. Col. Marco Cantoni